

O R A T O I T U T O I O R A T O I T Ū T
 T
 O
 T
 O

I T O I O
 I T O I O
 O I T Ū T
 O I T O T



Reweti Arapere
 Poropiti Wairua.
 Poropiti Rongomau.
 Poropiti Toi. 2020
 Pepamārō
 Nā te atawhai o te
 ringa toi

Poropito Wairua. Poropiti Rongomau. Poropiti Toi.

Ringa Toi: Reweti Arapere

*Whakataukī: Ko ngā kupu poropiti, nā ō tātou
 tīpuna hei tohutohu i a tātou, i ngā tamariki.*


👤 Hei mahi takitahi

AUCKLAND
ART GALLERY
TOI OTĀMAKI

Hangaia he whakaahua kiritangata pepamārō

Hei mahi whānui

1. Pōhututia he peita muramura ki runga i tētahi pouaka pepamārō.
2. Whakawehea te pouaka ki ngā wāhanga ōrite e toru. Ko te wāhanga hauroru o runga mō te pōtae, o waenga mō te kanohi, o raro mō te tinana.
3. Tāia he pōtae ki te pene whītau, te peita rānei, ki te wāhanga o runga.
4. Tirohia ngā kanohi o ngā Poropiti Toi hei āwhina i a koe ki te tā i te kanohi ki te wāhanga o waenga.
5. Whakaarohia ōu tino kākahu. Tāia ki tō tangata pepamārō.
6. Tāia tō tangata pepamārō ki te peita me ngā tauira hoahoa.
7. Kūtia kia rua ngā wāhanga o tētahi kātene hēki. Peitahia.
8. Kūtia he āhua tapatoru kōpiko hei ringaringa mō tō tangata pepamārō.
9. Whakapiria he waewae kātene hēki ki raro, he ringaringa ki ngā tahataha hei whakaoti i tō mahi toi.



Rauemi



Kātene hēki



Peita



Pouaka
pepamārō



Pene
whītau



He rawa hei whakapiri
ki ngā pouaka, pērā
i ngā anga mātaitai,
kōhatu rānei



Kāpia

Hei mahi whāiti

- Kūtia he kanohi ki tētahi hautai hei waihanganga mātātuhi.
- Peitahia he whakaahua kiritangata.
- Tāia he toi tiriti ki te tioka ki tō kura.
- Hangaia he pakoko iti ki te kerepeti.



O R A T O I T U T O I O R A T O I T Ū T

T
O
T
O

I T O I O
I T O I O
O I T Ū T
O I T O T



Maureen Lander
Wai o te Marama 2004
 Harakeke, muka, aho
 ngaiaiku (nylon line),
 peita kōrekoreko,
 tūrama.
 Nā te atawhai o te
 ringa toi

Wai o te Marama

Ringa Toi: Maureen Lander

Whakataukī: *Nau mai e te ao, haere rā e te pō.*

Hei mahi takitahi Hei mahi takirua

AUCKLAND
ART GALLERY
TOI O TĀMAKI

Hangaia he puninga toi rama

Hei mahi whānui

1. Kohikohia he aho whaikano, wūru, aho rama, mātātara harakeke, aha atu rānei.
2. Ponaia ngā rawa - hāunga te aho rama - ki tētahi pito, ka tīmata ai ki te whiriwhiri.
3. Kia mutu rā anō te 5 henemita te roa te whiriwhiri, whakairihia tētahi aho wūru roa ki te whiri matua.
4. Whakairihia he wūru anō ki ia whiri tuatoru.
5. Whiriwhiria tonutia kia pau rā anō ngā rawa katoa. Ki te hiahia koe, herea ngā pito e rua o te mahi toi ki te tīti rākau.
6. Tāpirihia ngā aho rama, kātahi ka whakawhitia ake he rama mā raro ki tō mahi toi.
7. Tūhuratia ngā momo whakaata rama ka pā atu ki te toi. Whakaahuahia tō mahi toi ki te kāmera, kia rerekē ngā koki.



Rauemi

- | | |
|--|--|
|  He aho whaikano |  He rīpene |
|  He wūru |  Mātātara harakeke |
|  He aho rama |  He rākau, he rākau tia rānei |
|  He rama |  He kāmera |

Hei mahi whāiti

- Rarangahia he kono ki te harakeke.
- Hangaia he macramé.
- Titoa he puoro mō tō toi.
- Whakatauritea te ataata o ngā rawa i te aho.



O R A T O I T U T O I O R A T O I T Ū T
T
O
T
O

I T O I O
I T O I O
O I T Ū T
O I T O T



Michael Parekōwhai
Te Ao Hurihuri (left)
2009
*Kaka kōata, konumohe,
peita motokā*
*Nā te atawhai o
Michael Lett Gallery*

Te Ao Hurihuri (left)

Ringa Toi: Michael Parekōwhai

Whakataukī: Hurihuri te ao, tēnei ao hurihuri.


AUCKLAND
ART GALLERY
TOI OTĀMAKI

👤 Hei mahi takitahi

Tāraia he ruru

Hei mahi whānui

1. Tirohia Te Ao Hurihuri, he aha ngā whakaaro e pupū ake ana i te ngākau?
2. Matapakihia te kōrero mō te ruru hei kaitiaki me tana mātakinga i te hurihanga o te pō ki te ao.
3. Kōwhiria tētahi kano o te uku waerau. Hurihia hei pōro porohema.
4. Whakamahia tō kōnui me tētahi mati ki te kinikini i ētahi karu.
5. Kinikinitia, whakaahuatia kia rua ngā taringa ki ōu ringaringa.
6. Tāpirihia he parirau, he ngutu manu, he karu hoki e whakamahi ana i te uku kē.
7. Whakamahia te pito o tētahi ngongo, taupoki pene, naihi pata rānei hei tā i ngā huruhuru.
8. Ka pai ki a koe tō hanganga uku waerau, tunua ki te umu mō te 20 miniti kei te pāmahana 130°C (whāia rānei ngā tohutohu kei te tākai o te uku).



Rauemi



Uku waerau



Ngongo



Paepae umu





Umu

Hei mahi whāiti

- Hangaia he manu Māori nō Aotearoa.
- Hangaia tētahi pukapuka whirinaki ki te paraka rākau ka kōmiri ai i tō manu ki te paraka rākau.
- Hangaia he whakaahua kiriaro ki te uku.
- Whakamātauria te pēhi i ngā rawa o ia rā ki te uku hei hanga āhuatanga hoahoa.



O R A T O I T Ū T O I O R A T O I T Ū T
T O I T Ū T O I O R A T Ū T O I T O I O
O R A T O I T Ū T O I T Ū T O I T O I O
T O



T
T

Paopao ki tua o rangi

Ringa Toi: Ngaahina Hohaia

Whakataukī: Ko Rangi ki runga, ko ngā
paerangi ki tua.

Ngaahina Hohaia

Paopao ki tua o rangi 2009

Oro, tukuatanga whakaahua, poi

Nā te atawhai o Pātaka Art + Museum - Porirua
City Council Collection

AUCKLAND
ART GALLERY
TOI OTĀMAKI

👤 Hei mahi takitahi 👥 Hei mahi ā-rōpū

Hangaia he whakaahua kiritangata rongorau o tō tupuna

Hei mahi whānui

1. Kōrero ki tō whānau mō ō koutou tīpuna. He aha ngā mea e ngākaunui ana ki ō tīpuna? Nō hea rātou? Kōwhiri tahitia, e koutou ko tō whānau, tētahi whakaahua o tētahi tīpuna ōu. Tāngia he kape pango me te mā. Mehemea kāore āu kape matihiko, hopukina he whakaahua o te whakaahua taketake.
2. Tāia ētahi wāhanga iti o tētahi pepa tapawhā ki te pene hinu. Whakawhitiwhithia ngā tae/kano.
3. Kia rite tonu te tā kia kapi katoatia te pepa.
4. Peitahia te katoa o te pepa ki te peita pango. Waiho ake kia maroke rā anō.
5. Whakamahia he rōra hāpiapia, tētahi atu mea āhua ōrite rānei, hei tāhua. Rakurakua tētahi porowhita ki tētahi pune ki te pokapū o te pepa.
6. Whakamahia te pune hei rakuraku i te peita mai i te porowhita ki ngā tapa o te pepa.
7. Tirohia tō whakaahua o tō tīpuna. Kōrero ki tō kaiako mō tō tīpuna.
8. Kūtia tō whakaahua kia porowhitatia.
9. Whakapiria tō whakaahua ki te pokapū o te porowhita i te pepa.
10. Hangaia he taitapa mō tō whakaahua ki te pepamārō whaikano.



Rauemi

-  He pepa tapawhā
-  Pene hinu
-  Pune, pūrau ahiparaka rānei
-  Peita pango
-  He whakaahua rorotu
-  Kāpia
-  Pepamārō whaikano

Hei mahi whāiti

- Hangaia tētahi anō hei rōpū. Mā ia tangata tētahi wāhanga huri noa i te porowhita.
- Tūhuratia he tauira nā ahurea kē hei tāpiri ki tō mahi toi.
- Ka mahue te rakuraku i te peita, engari pēhia kētia he mātātuhi huri noa i te whakaahua.
- Tūhuratia ngā āhuatanga o te hopu whakaahua, hei tauira, te hopu whakaahua mai i tawhiti, mai i tata rānei.



O R A T O I T U T O I O R A T O I T U T
T O I T U T O I O R A T U T O I T O I O
O T O
O T O



Mauri Ora

Ringa Toi: Charlotte Graham

Whakataukī: Ko tōku reo tōku ohoho, ko tōku reo tōku māpihi maurea.

Charlotte Graham

Mauri Ora 2012

Peita kiriaku, kāpia, angaanga mātaitai i runga papa whakaata hangarua

Toi o Tāmaki

AUCKLAND
ART GALLERY
TOI O TĀMAKI

👤 Hei mahi takitahi 👥 Hei mahi ā-rōpū

Te reo Māori i ngā toi

Hei mahi whānui

1. Whakaraupapatia ngā kupu e taunga ana koe.
2. Matapakihia ngā tikanga o ngā kupu me ngā kupu ka whakamahia pea ki te kāinga.
3. Pīroritia he uku whakamaroke ā-hau hei tapawhā hāngai. Whakamahia he rōra, kūtia rānei ngā tapa whanokē. Whakapiria he pirepire huri noa i te tapawhā hāngai.
4. Kia hōhonu te pēhi i ngā pirepire ki te uku kia ū tika.
5. Werohia ngā kokonga e rua o runga ki te kakape. He here i tētahi aho whakairi toi tana mahi. Waiho te uku kia maroketia.
6. Whakaarohia he kaupapa kano pai ki a koe. Pōhututia he peita muramura ki ngā wāhanga o tō mahi toi. Waiho kia maroketia.
7. Kōwhiria tētahi o ngā kupu i matapakihia inā tata nei. Tuhia ki tō mahi toi mā te pene muramura, te peita rānei. Kōwhiria he manu taketake rorotu, he kararehe, he rākau rānei hei tā ki tō mahi toi.
8. Kia maroke rā anō tō mahi toi, whakapiria ngā toenga pirepire ki te kāpia, ka here ai i te aho hei kāwai whakairi.



Rauemi


-  Uku whakamaroke ā-hau
-  He pirepire
-  Aho
-  Peita
-  Pene muramura
-  Kāpia
-  He whakaahua o ngā manu taketake, rākau o Aotearoa rānei

Hei mahi whāiti

- Ōhia manomanotia ngā whakataukī, kiwaha rānei a tō whānau, hapū, iwi.
- Whakaarohia ka pēhea ēnei e whakapuaki ai i ngā huatau.
- Whakarārangihia he whakataukī ā-akomanga. Hangaia he whakairi uku rahi.
- Tūhuratia te pēhi i ngā mātātuhi ki te uku hei whai tauira hoahoa.



O R A T O I T U T O I O R A T O I T Ū T
T O T O
A T O I T Ū T
A T O I T Ū T



Toi Te Rito Maihi
Tāniko date unknown
 Kiriaku ki runga papamārō
 Toi o Tāmaki

Tāniko

Ringa Toi: Toi Te Rito Maihi

*Whakataukī: Ko tōku reo tōku ohooho, ko tōku reo
 tōku māpihi maurea.*


Hei mahi takitahi Hei mahi takirua

AUCKLAND
ART GALLERY
TOI O TĀMAKI

Te ako tauira raranga

Hei mahi whānui

1. Tautohua ngā tauira hoahoa me ngā āhuahanga i tēnei mahi toi. Matapakihia ngā tauira e kitea ana.
2. Ōhia manomanotia ngā tauira raranga e mōhiohia ana e ngā ākonga, tirohia rānei he whakaahua, kātahi ka matapaki i ngā take me ngā kaupapa o ngā tauira raranga.
3. Kūtia he pepamārō whaikano, pepamārō pango hoki hei mātātara roa.
4. Whakapiria huapaetia ki te hāpiapia ngā mātātara pango ki tētahi pepamāro.
5. Kia takitahi (kōtahi mā runga, kōtahi mā raro) te rangaranga i tētahi mātātara whai kano ki te rārangi tuatahi. Matapakihia tēnei tauira raranga māmā.
6. Ka pai ki a koe tō mahi ka whakaūngia ngā mātātara ki te hāpiapia, kāpia rānei.
7. Kia rerekē te rangaranga i tētahi mātātara whaikano anō ki te rārangi tuarua, arā, kia kōtahi mā runga, kia rua mā raro pea, kia rerekē rānei.
8. Kia pēnei tonu te tāpiri i ngā mātātara pepamārō.
9. Neke whakatemuri kia pai ai tō titiro ki ngā tauira hoahoa. He pai ki a koe? Me whakaneke rānei ētahi o ngā mātātara?
10. Raranga tonutia ngā mātātara kia kapi rā anō te pepa.



Rauemi



He whakaahua o ngā tauira raranga, hei tauira, he kete, he whāriki, he tukutuku



Pepamārō whaikano



Pepamārō pango



Pepamārō mō muri




Tēpa kaipeita




Kutikuti, ringa pīauau rānei

Hei mahi whāiti

- Whakamahia he mātātara harakeke hei raranga i ngā tauira hoahoa pēnei, ā, ka tāwaitia pea ētahi kia rerekē ai ngā tauira.
- Ākona he karakia, he whakataukī whaitake rānei, hei taki i mua i tō timata ki te mahi.
- Kōrero atu, toro atu rānei ki tō iwi mō ngā momo raranga i te marae. I hangā pēhea nei ēnei?
- Whakamahia he pane kuīni hei paparanga anō mō tō toi raranga. Ka hiahia pea koe ki te whai i ngā tauira tāniko mā te tāpiri i ngā tapatoru huapae.



O R A T O I T U T O I O R A T O I T U T
T O T O
I T O I O
I T O I O
O I T U T
O I T U T



Reuben Paterson
Te Pūtahitanga ō Rehua
2005
Ataata matihiko
hongeretahi, korakora pīata,
rawatoi tini
He mea tautiaki e te ringa
toi me Gow Langsford
Gallery

Te Pūtahitanga ō Rehua

Ringa Toi: Reuben Paterson

Whakataukī: Kei roto i te kore, ko te ao.

Hei mahi takitahi

AUCKLAND
ART GALLERY
TOI OTĀMAKI


Hangarite me te korakora pīata

Hei mahi whānui

1. Tirohia ngā kohinga toi Te Kore me Te Pūtahitanga o Rehua, ka matapakī ai i ngā tauira hoahoa me ngā āhuahanga o ngā mahi toi.

Te mahi tahi me ngā ākonga:

2. Kia poutūtia hauruatia te pōkai i tētahi pepa pango A4. Mārohatia kia kitea ai te rārangi pōkai.
3. Peitahia ētahi tauira hoahoa ki te peita mā ki tētahi haurua o te pepa.
4. Pōkaitia anō kia tāngia ngā tauira hoahoa ki tērā atu haurua o te pepa.
5. Mārohatia anō kia kite ai i ngā tauira hangarite.
6. Waiho ake kia maroke rā anō te peita.
7. Ki tētahi haurua o te pepa, tāpiria te kāpia ki ngā wāhanga mā o te rārangi. Whāia ētahi o ngā rārangi mā ki te kāpia.
8. Ruiruia he korakora pīata, ka puhi atu ai i ngā toenga.
9. Ki te hiahia koe, tāpiria he raukonu ki tēnei haurua o te pepa.
10. Kōwhiria ētahi wāhanga o tō toi e pai ana ki ōu karu hei hopu whakaahua.
11. Whakamahia he taputapu poro whakaahua, tātari whakaahua hoki o tētahi iPapa, tīpapa rānei kia waihanga i tētahi raupapa ata mariko hei whakaatu ki tō whānau.



Rauemi

- | | |
|---|--|
|  Pepa pango |  Peita mā |
|  Paraihe peita |  Kāpia |
|  Korakora pīata |  Raukonu |
|  Pepa pango kāmura | |

Hei mahi whāiti

- Kia whānui te whakamahi i ngā kano peita.
- Tāngia tō whakaahua ki pepa kano kē hei hanga i ngā momo tauira hoahoa rerekē ki te tauira ōrite.
- Kia tōtika ake ngā rārangi, whakamahia te tēpa kaipeita hei hanga i ngā tauira hoahoa me ngā hangarite. Tangohia te tēpa i mua i tō mātātuhī ki tērā atu taha o te pepa.



O R A T O I T U T O I O R A T O I T U T
 T O T O
 T O I T O I O
 T O I T U T
 T O I T U T



Cliff Whiting
Tangaroa 1982
 Kiriaku i runga papamārō
 Whangarei Art Museum
 Collection

Tangaroa

Ringa Toi: Cliff Whiting

Whakataukī: Eke panuku, eke Tangaroa!

👤 Hei mahi takitahi 👥 Hei mahi ā-rōpū

AUCKLAND
ART GALLERY
TOI OTĀMAKI

Te kōwhaiwhai me te ia o te moana

Hei mahi whānui

1. Tirohia ngā papanga me ngā wāhanga rerekē o te mahi toi Tangaroa. Whakaarohia ka pēhea te hanga i tō ake mahi toi pēnei.
2. Whakamahia te kāpia PVA hei tarapī i ētahi tauira kōwhaiwhai ki runga pepa A3. Waiho kia maroketia.
3. Peitahia te kāpia PVA me te katoa o te pepa ki te peita wai ki ngā momo kano o te moana.
4. Kia maroke te pepa, kūtia ētahi rārangi karekare kia ōrite ki tā te pepa roa. Koinei ngā ngaru o te moana. Puritia tonutia ngā toenga pepa.
5. Whakapiria ngā mātātara kōwhaiwhai ki tētahi atu pepa A3 kākarauri hei wāwāhi i te pepa.
6. Kūtia ngā toenga pepa ki ngā āhuahanga o Tangaroa me āna tamariki, te rimurapa, me ngā hoahoa koru.
7. Whakapiria ngā āhuahanga ki tēnā wāhanga, ki tēnā wāhanga o te pepa.
8. Ki te hiahia koe, whakamahia te pene muramura hei whakanikoniko ki ngā tauira kōwhaiwhai.
9. Me peita anō pea te kāpia PVA kia mārama ake te kitea.




Rauemi

- | | |
|---|---|
|  Kāpia PVA |  Rākau kāpia |
|  Peita wai |  Pepa A3 |
|  Pepa A4 |  Paraihe peita |
|  Pene pango muramura |  Pūrere whakamaroke makawe |

Hei mahi whāiti

- Hangaia anō he atua kē pērā i a Tāne, i a Tū, i a Rongo.
- Pānuihia ngā pūrākau mō ngā atua hei āwhina i a koe ki te whai whakaaro ki te whakarākei i tō mahi toi
- Pānuihia te pūrākau e pā ana i te wehenga o Ranginui rāua ko Papatūānuku kia whai whakaaro koe ki te whakarākei i tō mahi toi.
- Whakaraupapahia he kupu Māori mō ngā kīrehe, ngā pēpeke a Tāne, me ngā āhuatanga o ia atua.
- Ka mahue te hanga i tētahi mahi toi mō tētahi atua anake, engari whakauruhia kētia ngā āhuatanga o tēnā atua, o tēnā atua, ki ia wāhanga o te mahi toi kotahi.atua.



O R A T O I T U T O I O R A T O I T U T
T O I T O I O
T O I T O I O
A T O I T U T
A T O I T U T



Emily Karaka
Te Uri O Te Ao 1995
Peita hinu i runga kānawehi
Toi o Tāmaki

Te Uri O Te Ao

Ringa Toi: Emily Karaka

Whakataukī: Ko au te whenua, ko te whenua ko au.

Hei mahi takitahi

AUCKLAND
ART GALLERY
TOI O TĀMAKI

Te peita i tō whenua

Hei mahi whānui

1. Whakaarohia mo āu hononga ki tō tūrangawaewae, ūkaipō, marae. Kimihia he kīwaha, whakataukī rānei e hāngai ana ki te whenua.
2. Kūtia he pū i te niupepa hei hanga kupu mō ngā whakataukī i rangahau ai koe.
3. Peitahia ngā āhuetanga o te taiao pērā ki te whenua, maunga, moana kia kapia katoatia te papamuri. Waiho kia maro ketia.
4. Tāngia he tohu ki te piakano, te pene muramura rānei ki runga i te whakaahua taiao kua peitahia. Tērā pea he kaitiaki tēnei o te whenua, he tohu hauora, he tohu hono/whanaungatanga rānei.

Rauemi



Mōheni/ kutinga pū niupepa



Peita



Piakano



Pene muramura




Pepa



Paraihe peita

Hei mahi whāiti

- Tuhia he kōrero mō tō kaitiaki i tō mahi toi.
- Hangaia he toi piripiri ki ngā whakaahua taiao i roto i ngā mōheni me ngā niupepa. E aro ki ngā momo kano kākārīki.
- Whakapiria ki ngā whakaahua taiao o tō mahi toi hei whakanikoniko.



I Am I, I Am Not I

Ringa Toi: Peter Robinson

Whakataukī: Ko Io e au, Ko au e Io.

Peter Robinson
I Am I, I Am Not I 2001
Mātātuhi Lambda
Auckland Art Gallery Toi o Tāmaki


AUCKLAND
ART GALLERY
TOI O TĀMAKI

👤 Hei mahi takitahi


He tohu rangatira - te whakapapa me te tuakiritanga

Hei mahi whānui

1. He aha atu ngā wāhi e kitea ai ngā tauira 0 me te 1 e tāruarua ana? He aha atu anō ngā āhuatanga e kite nei koe?
2. Whakamahia āu makaurangi, he mātātuhi rānei hei tā i ētahi āhuahanga tāruarua.
3. Tāngia he rārangi tōtika, kia 2-3 henemita te roa, ki waenganui i ngā makaurangi/ mātātuhi.
4. Haere tonu kia kapi rā anō koe i te katoa o te pepa.
5. Hopukina he kōrero mō tō whakapapa, tō tūrangawaewae hoki.



Rauemi



Hei mahi whāiti

- Hangaia he tukutuku i runga i ētahi pepa roa pērā i te pepa pūtia, te pepapātū rānei. He kōrero anō mō te tukutuku kei ngā aratohu mā te kaiako.
- Tūhuratia te tā i ngā tohu me ngā tauira hoahoa e whakamahi ana i ngā rawa pērā i ngā kōhatu me ngā rākau.
- Tuhia he tiriti ā-akomanga hei whakaatu i ō koutou uara
- Tāia he mātātuhi o tō kōnui hei waitohu whaiaro

O R A T O I T U T O I O R A T O I T U T
T O T O I T O I O
T U T O I T O I O
O R A T O I T U T
O R A T O I T U T



Mum (May 1985)

Ringa Toi: Ayesha Green

Whakataukī: Ko te mana o te wāhine.

Ayesha Green

Mum (May 1985) 2020

Peita kiriaku i runga kānawehi

Fletcher Trust Collection



AUCKLAND
ART GALLERY
TOI OTĀMAKI

Hei mahi takitahi

Peitahia ko koe anō e tū ana ki roto i te wharenuī

Hei mahi whānui

1. Whakawehea he pepa A4 ki ngā wāhanga e toru. Kia huarua te rahi o te wāhanga o waenga ki ō ērā atu wāhanga e rua.
2. Hangaia he tauira poutama ki te wāhanga o waenga ki te tēpa kaipeita.
3. Peitahia ngā wāhanga kāore i kapia ki te pēpa kaipeita.
4. Tangohia te pēpa kaipeita kātahi ka peitahia ngā wāhanga o raro ki kano kē .
5. Tāngia he poupou ki te wāhanga o waenga ki te pene rākau whaikano, te pene hinu, te piakano rānei.
6. Peitahia te wāhanga whakamutunga ki te kano kua kōwhiria e koe.
7. Kōwhiria tētahi whakaahua o tō tinana katoa, o tētahi tino tangata ki a koe rānei. Kūtia huri noa i te āhua o te tinana katoa.
8. Whakapiria tēnei ki te taha o te poupou, ki runga i te tauira poutama, me he tangata e titiro ana ki te poupou.



Rauemi



Pepa



Peita



Pene rākau
muramura



Piakano



Pene hinu



Tēpa kaipeita



Whakaahua o tētahi mai tō whānau

Hei mahi whāiti

- Hei whakakē i te whakamahi whakaahua, peitahia, tāia rānei te tangata.
- Whakamahia kētia he whakaahua huhua o tō whānau.
- Tāia ētahi atu whakanikoniko ki te poupou mā te āta tiroiro ki ngā tauira whakairo i tō marae.



O R A T O I T U T O I O R A T O I T U T
 T O T O I O
 I T U T O I T O I O
 A O R A T O I T U T
 I O R A T O I T U T



Tane Mahuta - Manos Nathan Legacy

Ringa Toi: Ngatai Taepa

*Whakataukī: Toi tū te marae o Tāne,
toi tū te iwi.*

Ngatai Taepa

Tane Mahuta - Manos Nathan Legacy 2015

Rākau hiato (E 4 Composite)

Auckland Art Gallery Toi o Tāmaki

AUCKLAND
ART GALLERY
TOI O TĀMAKI

👤 Hei mahi takitahi

Te hono ki ngā atua Māori

Hei mahi whānui

1. Whakaarohia he atua Māori e hiahia ana koe kia hanga ki te uku. Me whakaaro hoki ki ngā tū āhua me ngā tae e tika ana ki te atuata. Hei tauira, kikorangi pera i te moana, kakariki pera i te ngāhere.
 2. Pīroritia he uku whakamaroke ā-hau/uku whakatauirā rānei kia papatairite. Me ngana kia 2 henemita te mātotoru.
 3. Whakamahia he naihi ki te tārai i tētahi hei tiki ki te uku. Atā whakaarohia te upoko, te tinana me ngā waewae.
 4. Tangohia te uku i tapahia, ā, ka waiho ngā toenga ki rāhaki.
 5. Kia māmā te whakairo mā te whao pai ki te tamaiti ngā karu, te waha, ngā waewae, me ngā ringaringa.
 6. Whakanikonikohia mā te whakairo ngā hua o te upoko, te tinana, me ngā waewae.
 7. Whakanikohia ki ētahi atu tauira whakairo māmā pērā i ngā koru, he raupapa tauira rārangi rānei.
 8. Ki te whakamahia he uku whakatauirā, kōwhiria kia rua ngā kano peita hei uhi i te tauira kōwhaiwhai. Kia iti te peita i ngā tauira whakairo kia mārakerake te kitea.
-

Rauemi



Uku whakamaroke ā-hau/uku whakatauirā rānei



He whao pai mā ngā tamariki, naihi tārai rānei



Peita



Pene rākau

Hei mahi whāiti

- Hangaia he raupapa pakoko iti o ngā atua
- Tūhuratia ngā momo rawa rerekē hei whakairo āhuahanga, hei tauira, he rākau ngohengohe, he kirihou kōmāmā.

